

۸۳ نومرو

۲۸ جمادی الاول ۱۳۲۰

(بازار ایرتسی)

۱۹ آغستوس ۱۳۱۸ ایگنجی سنه

امور داه و تحریریه سی ایچون
عالم مطبعه سنه مراجعت اولنق
لازمدر .

منافع ملک و دولته خادم و ادبیات
وفنون و معارف و صنایعدن
باحث هفته لاق غزته در .

صاحب امتیاز :

محمد اکرم

مجموعه ادبیات

۱۳۱۸
IHSAN SUNGU
KITAPLARI

غروش شرائط اشترا :

۲۰ برسنه لك آهونه بدلی { درسمادت

۱۲ آلتی آیلق » » { ایچون

۲۶ برسنه لك » » { طشره

۱۵ آلتی آیلق » » { ایچون

استانبول ایچون محل اقامت تعیین

ایدیلیرسه طشره فیثاقی آلنیر .

۵۲ نومرو برسنه لك ، نصفی

آلتی آیلق اعتبار اولنور .

درج ایدلمیان آثار اعاده اواز

نسخه سی ۲۰ پاره در

پنجشنبه کونلری نشر اولنور عثمانلی غزته سیدر *

نسخه سی ۲۰ پاره در

ایشته اوزمان بوقیزلرک اوکیده بردن حایقیرمق و بکا سز یاپدقلر یکنزی بیلسه کز ا دیه دوشوب اولمک ایسته یه رک ژولیده نک کوزلرینه باقیوردی . ژولیده ده اوکا او یله باقیوردی . واونک حیاتندن هیچ رشی کشف ایده میه رک او یله مهم ، دوریوردی .

شفیق بر آن اول بوکوز قارش یسند بتون موجودیتنی غائب ایدرکن شمدی کویا کندی تهجنه ، کندی طغیان بدبختیسنه رغماً ژولیده بهلولدن بحث ایدیوردی : « پک فزالشدی . کیجه کوندوز شمدی بتون هفته یی اوراده کچیرمکه چالیشور » دیدی . شفیق کندی حیاتی هیچ بیلمیان کندی تهمتی هیچ کلامیان بو انصافسز قادینک کندینه رغماً یاپدینی بواهانته قارشی بوغوله رق : « اه بلاسنی ویرسون ! نه خلط ایدر ایسه ایتسون » دیدی . بو اونک بوغارندن جوف روحندن برقی برولوله کبی کلوردی ، شمدی هرشیئی اکلایمق اومردار قاری بی توصیف اتمک ، صوکره : بهی بودالا سن صایقله دور... اوسنک کبی برالماسه دکل ، پیس عادی برچاقل طاشنه قوشیور دیمک ایسته دی . و بو آرزودن کندی وقایه ایده بیلرک همان دوشوب آغلامق ، احتیاجیله قالدی .

آه دیمک هرشیئی ، هرشیئی بوشه چیقمشیدی . . . دیمک هرشیئی کندی تصوری خلافته ایدی « بنم بو حالمه آجیرلر کندی حیاتلرینه آجیرلر اونی کتوررم . » امید ایدرکن او خائن بهلولک دوشونلیدیکنی اوغدار حریفک تأمل واندیشه ایدلیدیکنی کوریوردی . فقط بیلسه لر دی یاربی ! بیلسه یدی که ، ایشته او هپ ژولیده ایچون ، ژولیده نک کوزلری ایچین بو قدر صارارمش ، اونی قورتاریرم امید ایدرکن کندی ، کندی متعسر الخلاص اولان بردرکه یه آتیور میشدی ، ودها زیاده اوتورمه دی ؛ همان ماصه نک اوزرنده دوران فسفی آله رق « اللهه اصمارلادق ! » دیه ایکلیه رک مردیوانلردن آشاغی یووارلانیرجه سنه حیزله ایندی .

۱۰

هرشی هرشی اتمشیدی . شفیق قرتالده اوینک بر اوده سنده کی یاتاغه طیقیلهرق اوسته لحاف حمایی سرییوردی . بویکرمی

کرن دوام ایدن برخسته لق اولدینی و بونی اونلر بیلدکلری حالده برکون ، برسماعت کندیسنی آره میورلردی حتی صوردر میورلردی . او ، حال بوکه او ، اونلردن نه لر امید ایتمش ، نه وفالر فرض ایتشیدی . دیمک هرشی ، هرشی اونی اغفال ایتشیدی ! کویده بوکون بیته جک ، یارین بیته جک قورقورلیله محمول اولدینی همانک اک مدهش بر نوبتنده آغزی کوپوکلر ایچنده قاله رق کوزلرینک ایچنده ، روخنک ایچنده ، بیتنک ایچنده یالکیز اونی احساس ایدن کزینک سوداسی ، ژولیده نک یأس حرمانیله یاصدیغنه قیانه رق آغلادی ، آغلادی ...

انتها

— ۲۹ کانون اول ، سنه ۱۳۱۷ . قندیلی —



آمریقایه دائر برسوز سویلنه جکی زمان یکی بر غریبه دن بحث ایدیله جکنی مقدمه یوللو اورتیه سورمه که آرتق حاجت قالمادی . یالکیز مسئله یی آکلایویرمک هرشیئی ایضاحه کافی کلیور .

وقتیله قولورادو ایالتنده برعربه قومپانیه سی ، یقینه کی شمدوفر استاسیوننه یولجیلرله اشیایی قولایجه جق طاشیمق ایچون متین برقالدیرم انشاسنه لزوم کورور . برطاش اوجاغندن ایری ایری یالچین قیالری نقل ایدرک درت ، بش کیلومتر اوزونلغنده کی یولی انشا ایدر . عربله یول اوزرندن کچمکه باشلار . برکون شدتلی بر بورا چیقار ، صاغناقلر قوپار ، قالدیرمک صیریلان یرلرنده کی توز ، طوپراقلر یقانه ییر ، قالدیرمده بر پارلیدر یوز کوسترر .

قومپانیه نک مهندس لرندن بری بو حالی کورمه رک نظر دقتی جلب ایدر . قیانک بر پارچه نی قوپاروب بالکیمیا تحلیل ایدنجه هر قیانک طونیلاتو باشنه بیک فرانقلاب کوموشی حاوی اولدینی آکلار !

اوزمان بوکوموشدن قالدیرمی سوکوب یرینه بشقه
طاشدن قالدیرم یایمق ایجاب ایدرسده کرک سوکومک ،
کرک یکیدن طاش دوشه ک پک . صرقلی دوشه جکی
ایچون واز کچایر .

آسیا قطعه سنده سیاحت عیدمه سیله شهرت شعرا اولان
اولان و کچلرده تونکنده وفات ایدن هازنی دورله ناک
پدری دوق دوشارتر فرانسه جغرافیا جمعیتنه اون بریک
فراقلاق بره بده بولمیشدرکه بونک اوج سنده برکره یک
فرانقی تفریق ایدیلرک بالخاصه آسیا قطعه سنده تصرفکارانه
ساحت اجرا ایده جک برفرانسزه ویریله جکدر .

سنه لردن بری منازع فیه بره مسئله حالنده سور وکله نوب
کیدن « پاناما قنالی » نک امر انشاسنی نهایت آمریقا
حکومتی طوغرودن طوغرویه کنیدیسی تمهید ایله مشدر .
پارلامنتو بوقنالاک بالجمله حقوقی وادوات انشائییه سنی
وقتیله استحصا ایتیش اولان فرانسر قومپانییه سندن
استرداد واشترا ایچون ۴۰ میلیون دولار یعنی ۹ میلیون
۹۰ بیک کسور عثمانلی لیراسی تخصیص ایتمشدر .

آمریقا قطعه سنی ایکیه آیره جق اولان بوقنالا
کرک تجارت وکرک سیاحت نقطه نظرندن پک مهم بر چیغیر
آچیش اوله جنی ایچون بر آز اول انشا واکمالی منتظر در .

آتی ساعتده قطبدن خط استوایه کیدیله بیلیرمی ؟
انسانه دوشونمسی بیله حیرت ویرر ! فقط آمریقا
بر مملکت وارکه تمام آتی ساعت ظرفده خط استوا
درجه سنده بر حرارتدن کچلوب قطبده کی قدر صوئوق
بر خطیه دوشولور .

ایشته مکسیقادا اکتریا ماشیا قوردیلیر ساسله جباله
عنیمت ایدنلر بویله اولیور . ایکی طرفی پورتقال آغاجلریله
محاط بریولدن ، آتی ساعت قدر یورودکاری حاله
کونش یینلرنده صوک درجه حرارتیه قاینار طورور .
صوکره او ایری طاغیرک شاهقه نه چیققدقلری زمان
خاقت کائناتدن بری اریمه مش بر بوز دریاسنک ایچنده
قایلرکه انسان کرچکدن بو آتی ساعت ظرفده خط
استوادن قطبه مواصلت ایتدیکنه ذاهب اوله جنی کلیر .

تیت - بیتس غزته سنک روایتنه نظرآ بروکسل
شهرنده باچقا بانقلرینک بانقنوطلرینی تقلید ایدن بر
قومپانییه دردست ایدلمشدر . بونلر دون فیثاتلی بانقنوطلری
پارچه پارچه کسه رک رقلرینک قیمتتی بیولندکدن صوکره
غایت اینجه ودایانقلی شفاف کاغدلره یایش دیروب قوتلی
برضیا واسطه سیله بانقنوطک یازیلرینی واشکالنی اوکاغده
عکس ایتدیریورلر مش . طوغرودن طوغرویه ساخته
بانقنوط اعمال ایدلدیکنی ایشتمش ایسه کده ساختکارلغک
بودرجهیه قدر واردیرلدیغنی یکی ایشیدیورز .

« سیانتیفیک آمریقان » دیورکه مانچسترده دوقتور
پرکنس آیلرجه اجرا ایتدیکی تجارب ثمره سیله پاموخی
یانماز بر حاله کنیرمه موفق اولمشدر . کرچه بوموفقیت
پک دکرلی برشی ایسه ده بردن بره اعتماد ایتک ممکن
دکدر . زیرا قابل اشتعال نباتات ایچنده پاموخی قدر
سرعتلی یانان هیج برشی بولمیدی حاله شمیدییه قدر
بونک آتشی پک چابوق جذب ایتسی خاصه سی بردرلو
کشف ایدیله مامشدر .

دوقتور پرکنسک بوکشفنی شمیدیلک قیود احترازیه
ایله تلقییه مجبورز .

واقعا دوقتور پاموخی اجزای کیمیویه ایله بر قاج
دفعه لر ییقامقده ایسه ده پاموگک خاصه اصلیه سی زائل
اولمیدیغنی ینه سیانتیفیک غزته سی طرفندن بیلدیرلمسه نظرآ
انشعال خاصه سی زائل اولامش دیمکدر . اولسه اولسه
اویقانمش پاموقدن یاییله جق قاشلرک ترجیحاً استعمالی
ایجاب ایدرکه بالطبع دیگر پاموقلردن یاییلان قاشلره
نسبتله دهاتیمز ، دهه دافع تعفن برحاله در .

چنار آلتنده

غزته منک « کوچوک حکایه لر » نامی آلتنده چیقاردیغنی
بولطیف حکایه ۲۰ پاره فیثانله صاتمقده در .